

傳一記同卷

漆九

撰集三藏及雜藏傳

大阿羅漢難提蜜多羅所說法住記

撰集三藏及雜藏傳

失譯人名附東晉錄

佛涅槃後迦舍阿難於是摩竭國僧伽尸城
址撰三藏及雜藏經

先禮佛已禮法眾僧各受集法此諸法典

永樂北藏

撰集三藏及雜藏傳

第一三二冊

若過世智	若復俗智	一切皆知	阿難如海
一一於前	比丘各好	阿難獨立	佛自稱譽
所聚法名	分別等法	如師子吼	阿難所說
寄付慇懃	阿難以法	此人乃復	終不漏脫
佛兩諸法	哀念天人	承以完器	阿難受持
設非阿難	釋種涅槃	正法滅盡	并及三藏
如視世尊	無上道士	視阿難等	福田無過
如佛涅槃	阿難付法	愍念眾生	護持諸法
當共信樂	是阿難智	與佛同等	聽集此法
除去五蓋	一心聽受	所說聚法	如阿難說

汝等爲此信向阿難聽所集法悉斷衆苦
世尊涅槃地爲震動山海踊沸天人哭泣
世尊出晚涅槃何早人天孤遺諸道荒塞
神通徹視神足羅漢皆詣拘夷供養世尊
八萬四千過於無漏天人所敬福田無上
閻浮利地羅漢悉來世尊涅槃聚會於中
別有不還得頻來果滿港進學此輩一倍
梵行比丘無數百千舉手哭行世尊那去
我等盲聾三毒未除沒於五道誰當救我
比丘尼千數三十五中有神通有漏無漏

帝釋梵天及無數天文陀華伎速持來到
四天大王各有將從栴檀珠璣速齋來詣
及諸欲天有色無色九十六億咸詣拘夷
無畏釋王八萬牙象名馬八萬盡詣拘夷
舍衛月王強勇聰明名象七萬皆到拘夷
阿闍世王勇猛信佛象七萬半悲泣來詣
槃闍梨王名明端正象馬六萬悉詣拘夷
哀愍王暖鬱光親厚衆各五萬皆來集會
西香衆國諸王嚴仗四色軍般數百千衆
速疾來至欲見佛屍龍王泣淚追尋諸王

維耶離衆 象馬車乘 如諸天比 來詣拘夷
 凡衆無數 并及清信 覩佛盡今 當觀涅槃
 世界衆生 三十六億 皆詣拘夷 齋所喪具
 方百由延 拘夷處中 天人滿中 地無空缺
 諸天散華 供養佛屍 鼓天妓樂 雨諸末香
 諸王官屬 來詣佛屍 皆禮佛足 圍繞而立
 諸王號泣 舉手悲號 不復見佛 爲衆說法
 阿闍世哭 來鳴佛足 我五逆人 持我付誰
 諸王繞屍 散寶滿上 並作衆樂 香泥塗牀
 舉屍鐵棺 灌滿麻油 地爲震動 諸王號哭

諸天墮淚 滴現於地 天王雨淚 普皆哭泣
 天梅檀薪 如意雜香 積之于地 諸天四輩
 大迦葉等 僧衆坐上 衆生所供 此大福田
 迦葉衆僧 丘尼賢者 天帝人王 各共燃屍
 燈燒身時 天人號哭 嗚呼痛哉 我等如何
 七日供養 諸天盡受 分爲八分 著覺第九
 各還本所 王及凡民 諸天還上 八部神歸
 八分餘者 天龍神得 拘夷力人 得分立塔
 八分八塔 第九覺塔 炭塔第十 閻浮所起
 迦葉僧首 行出拘夷 詣摩竭國 聚會衆僧

迦葉語僧比丘莫行當共集會勿令法壞
於虛空中迦葉鳴捷欲使法久勝於諸魔
迦葉語衆及天與人今當集法令衆生安
佛雖涅槃四諦故存八道猶在可獲涅槃
先佛長壽人民有福遺法日近不久便盡
今人短命佛出第七涅槃之後法那久存
不還頻來見道未成今集真僧此不得入
天眼神足六通無我一切羅漢我今集之
衆聞教聲即各來集八十千衆皆是無漏
迦葉問曰弟阿那律遍觀羅漢誰不來者

那律便觀大千世界見忉利天有憍桓鉢
律白迦葉憍桓忉利羅漢無漏今不來會
迦葉命召而亦不來世尊涅槃世空何求
迦葉心念比丘能有撰佛所說經法者不
遍看不見能集十二部經法義佛所說者
唯有阿難是須陀洹當為設宜使成無漏
上座方便觀阿難心知有慈愍得道未久
迦葉詰難不得入衆汝不應入今當出去
阿難白曰何耶上座我於三尊有何過失
迦葉答曰弟欲知耶汝於佛衆有大過失

坐汝佛法 減於千歲 由汝勸佛 度於每人
細微之戒 佛欲分別 汝何不問 細微戒耶
爾時何念 輕慢於戒 佛已涅槃 今當問誰
蹈佛大衣 佛渴索水 汝竟不與 非是過耶
此比過多 是汝所作 非口所陳 是故當出
阿難長歎 悲惋第九墮淚 佛方更終 當何恃怙
於此便去 坐一樹下 感結漏盡 佛法由興
無數億天 圍繞阿難 來詣大會 師子無畏
迦葉遙見 便謂眾僧 皆當速起 阿難今至
八萬餘眾 皆是無垢 迦葉上首 叉手立迎

迦葉舉手 善來阿難 便上高座 修理眾僧
真大阿難 爲眾入眼 侍佛已竟 瞿曇福成
汝觀此僧 并觀天眾 世間久病 有三苦患
世間無主 導師涅槃 快共慈心 爲眾說法
阿難默然 迦葉便請 上座欣笑 作師子吼
迦葉心念 相望能說 阿難今日 濟度天人
迦葉舉聲 大命眾生 欲度世者 皆來詣此
如佛所說 種種諸法 除眾生苦 阿難當說
一切知法 如散雜華 阿難當撰 分別三藏
如來說法 隨眾所欲 高座阿難 復當敷演

十方當聞 天龍鬼神 四部弟子 聞命即至
如人熱渴 思想飲水 奔走趣河 當於中飲
天龍鬼神 四輩弟子 來趣阿難 於中聞法
餘無數衆 進學見道 頻來不還 尋聲後到
阿那含道 二萬一千 斯陀含衆 四萬二千
須陀洹僧 八萬四千 此等後到 亦欲聽法
諸王皆集 羣臣兵衆 阿難儀容 衆覩咸歡
大衆次坐 方十由延 阿難在中 如月滿明
帝釋在右 梵天在左 侍於阿難 如佛在時
釋說偈讚 天子欣悅 覩大會故 阿難無畏

如轉法輪 圍繞佛時 瞻阿難顏 儀容巍巍
梵天亦爾 請於如來 世尊說法 阿難如是
魔聞名聲 亦來到此 并將妻子 及臣兵衆
波旬覩此 若干衆多 阿難在中 如日光明
阿難髻生 儀似山頂 項有日光 照於衆會
難陀髻出 迦葉項光 那律徹視 觀於大千
諸王在會 并及羣臣 衆人千億 皆在此中
見會甚樂 阿難勇猛 波旬愁毒 心懷戰慄
波旬心念 一佛滅度 更有三出 佛力勢大
瞿曇涅槃 謂呼得脫 此三所得 其處甚大

見佛滅度心甚喜悅瞿曇法衰無怨仇對
當設方宜滅此殘法四部弟子及諸國王
魔便出教敕師子將速合四兵盡滅此法
即起化兵四種將主圍繞大會出可畏聲
收捕道人清信男女誅殺諸王壞裂道場
衆會驚愕四輩心念此何從出未成懷疑
諸王聞聲皆懷驚怖見魔兵衆各自嚴仗
阿難心惟誰來相撓觀此兵衆乃知魔爲
阿難便笑敕王頓駕此亂衆者我自降之
難以慧力葉以進力伸手執魔三屍繫咽

第一人屍第二狗屍第三蛇屍胖爛難近
魔便首請迦葉見放羅漢應當因於人耶
迦葉我前極托燒佛世尊未曾見困如今
若佛哀愍被大慈鎧終不加害於諸羣生
我等法集欲令久興汝何爲來托攪我衆
魔即叉手啓阿難曰且俱放我九不復燒人
阿難使普迦葉亦爾若後亂衆屍還掛頸
三屍化去波旬得免魔便愁怖別立一面
諸天稱善佛法得勝遺法久存常當勝魔
迦葉敕衆皆當靖定阿難今說如佛所演

諸王普起 叉手待之 諸天悉悅 賢者視顏
迦葉詰難 說經時到 發此寶箱 顯說上法
何說增一 何說增十 何說本起 何說諸界
阿難長歎 師子振歎 四顧眾座 說聞如是
說一時已 地爲震動 一億天人 還得法眼
舍衛增一 召彼增十 釋中本起 魔竭諸界
餘經亦爾 處處演說 阿難以經 爲大眾說
盡集諸經 以爲一藏 律爲二藏 大法三藏
經錄阿舍 戒律大法 三分正等 以爲三藏
已說大本 錄諸異法 合雜眾集 復爲一藏

別經四分 名作阿舍 增一中舍 長雜四舍
毗尼隨法 犯次可生 中者久童 苦行在後
大法諸分 作所生名 分別第一 然後各異
增一中舍 長雜四舍 迦葉問難 此義何謂
難答一一 比丘念佛 以是調意 故名增一
此後二法 思惟善法 兩法便生 止意分別
三處三法眼 知宿命漏盡
四處四諦 五處五根 六處六大 七處七覺
八處八懷 九處九止 十處十力 十一處經
名放牛兒 慈經斷後 增一經終 從此義中

當一一解 此經若干 故名增一 猶如畫師
 分部色像 是一增一 種種撰合 如藥無限
 隨病和合 名某藥丸 故名增一 一一纏繞
 經緯成布 以一一說 成於增一 如合諸物
 名空集音 種種諸經 故名增一 猶如草木
 塗土起墻 圍覆於空 爾乃成舍 如是施戒
 生天涅槃 以義圍繞 故名增一 如一種泥
 成數種器 是一增一 種種義合 從此當知
 種種義說 此經盡出 當持增一 亦不大長
 亦不至短 結義得偶 名中阿含 字亦不麤

亦不極細 言義正等 是故名中 除去上下
 說於中法 棄於彼我 故名中含 小凶大凶
 癡疑盡壞 以觀正諦 是故名中 於中長說
 并及先世 劫世流轉 是故曰長 計於諸止
 天上快樂 聞者歡喜 故名曰長 七世遇佛
 及攬大乘 佛之涅槃 是故曰長 諸寶計數
 多有轉輪 諸王喜聞 故名曰長 此法當懷
 學之喜忘 欲斷諸結 是故曰雜 此法等舍
 義味共俱 聞之斷疑 故等名舍 是修行地
 禪智所趣 等見諸法 是名等舍 盡此經中

撮行兩端 聞者多疑 故名等舍 部外雜經
諸天讚偈 皆入其中 故名等舍 附近法者
得好淨意 斷諸諍訟 故名戒律 分別中戒
得淨精進 聞者皆調 故名戒律 比丘行是
得益於中 破碎眾結 故名戒律 忍諸結垢
比丘學是 除諸惡行淨九 故名戒律 觀視諸法
從法得益 墮甘露地 故名毗尼 迦梅造竟
持用呈佛 佛言上法 當名上法 於中破癡
益於世間 此眾經明 故名大法 總持外道
斷於貢高 眾法牙旗 故名大法 譬如明燈

照於眾物 以見諸形 故名大法 此眾經義
如芒甘露 是諸法味 此大法義 諸經戒律
勤思維持 勿令放捨 繫縛三藏 分別字義
比丘諸天 千萬稱善 迦葉復問 云何四藏
阿難可說 為眾生成 阿難荅曰 此說各異
隨眾意行 故名雜藏 佛說宿緣 羅漢亦說
天梵外道 故名雜藏 中多偈頌 問十二緣
此各異人 故名雜藏 三阿僧祇 菩薩生中
所生作緣 故名三藏 中多宿緣 多出所生
與阿舍異 故名雜藏 雜藏之法 讚菩薩生

此中諸義多於三藏都合諸法結在一處
何等比丘能盡持者當來世時比丘多愚
此輩不能盡持三藏後當作師從經出頌
由此益增是故不合處處有喜四阿含者
或喜毗尼又喜大法法九或喜外頌或喜雜藏
故不一名盡說諸法結四阿含九集錄諸數
并律大法聚為三藏聞是法已天神及人
三千比丘還得漏盡不還八千類來十千
無數天人得見道迹此法久住為天人故
諸王常勝盡受百秋一切天人諸王比丘

皆共稱善如何難說集法已訖天人各還
四輩弟子皆歸本所

佛涅槃後迦葉阿難等於摩竭國僧伽尸城
北造集三藏正經及雜藏經常所云四篋者
合雜言也凡二百首盧上增一阿含從一至
十為十一處經者撰諸十一事經以放牛兒
十一事經為始以行慈十一事經為終因其
所引便出其經以事相連故合為一卷此放
牛經者佛說放牛十一事以況比丘道具十
一行成道樹根栽枝葉茂盛多所覆蔭因放

牛兒於坐發念佛知其意故說言十一事以
斥行者放牛者即解便逮得還羅漢

撰集三藏及雜藏傳

大阿羅漢難提蜜多羅所說法住記

唐三藏法師玄奘奉 詔譯

如是傳聞佛薄伽梵般涅槃後八百年中執
師子國勝軍王都有羅漢名難提蜜多羅唐言
婁具八解脫三明六通無諍願智邊際定等

無量功德皆悉具足有大威神名稱高遠以
願智力能知此界一切有情種種心行復能
隨順作諸饒益化緣既畢將般涅槃集諸苾
芻苾芻尼等說已所證諸妙功德及應所行
利樂有情諸勝事業皆悉成辦告時眾曰自
今已後無復所為唯無餘依是所歸趣仁等
當知有疑可問時諸大眾聞是語已舉聲號
哭不能自持宛轉於地或起唱言佛薄伽梵
久已涅槃諸聖弟子亦隨寂滅世間久空無
真調御今唯尊者為天人眼如何復欲棄捨